

乾隆丙子重修

閩沙羅氏族譜

乾部第

一卷



新序	義例	宋御書	原序	新跋
	目錄	清御書	像贊	
		名宦紀	潛德紀	
		節孝紀	頌譜號	
		共宣百參張		

闽沙罗氏族谱

重修羅氏族譜序

羅氏出自重黎原妘姓迨周室肇封以國受氏越秦迄漢相國大司農名珠拜九江太守國聚族於斯郡號豫章其先緒已嗣是由晉唐迄宋統接道南潛思力行獨推

文質先生而閩沙羅氏遂炳千古茲裔孫名英笏余已未分闈所得士也叨臚唱第筮仕雲南余典試其省訪聞其政悉遵廼祖之遺訓心竊喜焉戊辰督學閩疆羅子英笏適慈艱歸梓讀禮洎服闋謁余於省署再拜而言曰笏伯父諱鉞者辛卯曾輯家譜

今子姓人繁闔族以重修事謀之家
君敬陳族乘徵弁言以爲祖光余披
閱源流方知唐元和間遷沙

始祖少府周文公任沙尉卜居城西遂
名羅家巷厥後子孫蕃衍散居茂溪
歷水派分南劍三山雙峰燕水開山
玉華等邑而總發源於羅家巷其間
甲乙之盛仕宦之顯建樹偉烈與夫
幽光逸軌著述鴻裁閭閻徽音代不
乏人際我


盛朝重熙累洽子姓授和身登仕途文
經武緯所在多有方將追宋軼唐遠
駕漢晉則是譜也修乎閩沙而豫章

統是矣。卽得姓受封之先亦統是矣。至文章行誼勲業榮名昭垂史冊千古所仰止四海所服膺故理學崇文質遺書重遵堯也堯典曰克明峻德以親九族親睦故敬宗上治祖禰旁治昆弟下治子姓體堯典之意以輯譜兼採廬陵眉山之法分類析義合乎春秋之旨綱目之遺以綿先緒昭示來茲若夫宏敦本之教懋親睦之風就一族昭穆之序覘國家文治之隆表揚風勵亦督學之分也幸文章知己屬余爲序因畧言其概以弁斯譜。

昔

乾隆十五年歲次庚午秋九月望日
欽命提督福建全省等處地方學政福
建道監察御史加二級

通家生葛德潤頓首拜撰



重修羅氏族譜序

族譜之設鳩宗返本典
至巨也。歐蘓二公有水
木二注。觀文文山譜序
令人惕然。可思識者。躋
之謂得史法也。況沙為
閩名邑。而

羅氏為道學賢裔。其譜
由來舊矣。禮曰。上治祖
祢。下治子孫。旁治昆弟。

尊上親上序之以昭穆
別之以禮義宗法立而
天下治也前

英笏羅年臺在

朝聚首嘗道伯氏諱鉞解
組歸里志輯宗譜惜捐
館未逮丙子夏甘肅倅
來言其家重修宗譜請
一言為序余何能序其
譜哉忝為姻眷義不容

辭故搦管而言其概溯
羅本黃帝妘姓周封其
後為羅國因以為氏君
用公為秦武寧令子珠
拜漢相大司農載在史
冊迨晉企生與仲堪難
遵生孝養其母羅氏忠
孝自古然矣後周文公
唐元和間為閩沙縣尉
遂家焉蓋周文為遵生

後遵生為君用遺孤珠
之苗裔及

仲素先生有功聖門興起

百代崇

謚號祀

朝廷我

聖祖仁皇帝御書與學清節

以旌其賢典至巨也千

餘年來宗枝蕃衍本

原上昭然若揭蓋其家

之明德遠矣。閱其人，有
隱德者，有獨行者，有至
性過人者，有經明行修
者。故或有躡根探窟而
抱三十六宮之春，或有
組霧機霞而攬二十一
朝之萃，或滿塢耕雲，抱
膝而歌梁父，或一溪釣
月，却聘而擬子陵，或孝
如曾參，或友如姜被，或

有効忠於朝如朱雲折
檻中令補牘或有遺愛
於野如萊公枯竹清獻
囊琴或賜彥方之布或
買文正之田即婦人女
子亦間有挽車封髮而
吟栢舟者偉哉

羅族賢哲挺生隱顯殊
致雖一譜也而有
祖宗之元氣焉雖一家

也而具宇宙之人品焉
後人覩譜而懷先世之
澤毋混世系毋亂昭穆
經之綸之別長幼之節
盡親愛之情長以忠孝
世其家則此譜可與蘭
臺石室之史並垂不朽
矣 昔

乾隆二十一年歲次丙

子夏五月望日


賜進士第通議大夫

欽命都察院左副都御史

提督浙江學政加三級

姻年家眷世弟雷鏐

頓首拜撰



羅氏族譜序

族之有譜也由來舊矣古人
勒為家乘考遠近紀事蹟辨
昭穆順少長合族食綿之繩
繩歷幾多年傳幾支派按
譜可考循序可稽不至散而
無統者恃有以集之此意何
厚也羅本黃帝姁姓周封為
羅國此羅氏之所自來也自
是厥後秦漢以迄我

朝代有偉人奇士或砥柱於
國立業不朽或抗疏於朝直
言不諱或有補於民社膏澤
無窮或有功於聖門道學昌
明以玉膺顯宦掇巍科代
不乏人史不絕書彬彬乎盛
矣哉雖然聚散者勢也糾
合者誼也適正春姊夫闔
族輯譜屬枝一序既忝姻
婭知其譜系最詳且

仲素先生啓紫陽祀廟廷我
聖祖仁皇帝御書表揚炳炳
煌煌羅氏之盛抑何至斯
也余又聞之有開必先源遠
流長仲素先生之顯於宗
也而其先代之豐功偉烈遞
傳遞衍綿君用者為武寧
令於秦諱珠者拜相國於
漢企生與難以忠傳遵生
養母以孝著周文為尉以